



Broj: 02-04-31827-1/24
Sarajevo, 06.06.2024. godine

PREDSJEDAVAJUĆI SKUPŠTINE KANTONA SARAJEVO ZASTUPNICIMA SKUPŠTINE KANTONA SARAJEVO

PREDMET: Stavovi na Amandmane na Zakon o Registru finansijskih obaveza u Kantonu Sarajevo

Na **39. vanrednojsjednici** Vlade Kantona Sarajevo održanoj **06.06.2024.** godine, a u funkciji pripreme **16.** Radne sjednice Skupštine Kantona Sarajevo, razmatrani su amandmani klubova zastupnika u Skupštini Kantona Sarajevo po materijalima koji se nalaze na dnevnom redu navedene sjednice, i to:

1. Amandmani Kluba Demokratske fronte u Skupštini Kantona Sarajevo.

Nakon razmatranja amandmana klubova zastupnika u Skupštini Kantona Sarajevo, Vlada Kantona Sarajevo zauzela je sljedeće

S T A V O V E

1. STAVOVI NA AMANDMANE NA ZAKON O REGISTRU FINANSIJSKIH OBAVEZA U KANTONU SARAJEVO

1.1 Amandmani Kluba Demokratske fronte u Skupštini Kantona Sarajevo

A M A N D M A N I

U članu 13. prijedloga Zakona pod nazivom (Ustupanje podataka) izvršiti izmjene teksta u alineji koja glasi

- (1) 'Registar finansijskih obaveza nije javan' u novi tekst
- (1) Registar finansijskih obaveza je javan dokumen

Obrazloženje:

Radi transparentnosti i funkcionalnosti prijedloga Zakona kao i nadležnosti Skupštine Kantona Sarajevo definisanih u Ustavu Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17) Član 18. Nadležnosti Skupštine Skupština Kantona: alineja b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona; d) utvrđuje politiku i donosi programe razvoja Kantona važno je izvršiti izmjene ovog člana.

Takođe predloženi tekst prijedloga Zakona u ovom članu je grubo kršenje Zakona o slobodi pristupa informacijama FBiH i člana 1 člana 20.

Stav predlagača:

Amandman se ne prihvata.

Obrazloženje

Razlog za donošenje ovog zakona je da se na nivou Kantona Sarajevo uspostavi jedinstvena baza podataka o svim obavezama kantonalnih ministarstava, kantonalnih uprava i kantonalnih upravnih organizacija, stručnih i drugih službi organa zakonodavne i izvršne vlasti, i drugih budžetskih korisnika Kantona Sarajevo, vanbudžetskih fondova, jedinica lokalne samouprave, javnih ustanova i javnih preduzeća čiji je osnivač Kanton Sarajevo, javnih preduzeća i javnih ustanova čiji je osnivač jedinica lokalne samouprave u Kantonu Sarajevo, te pravnih lica u kojim Kanton Sarajevo i/ili jedinica lokalne samouprave u Kantonu Sarajevo učestvuje sa više od 50% ukupnog kapitala (npr. obaveze po sudskim odlukama, obaveze prema vanbudžetskim fondovima, dobavljačima, i sl.).

Jedinstvena evidencija takvih podataka je podloga temeljem koje bi bilo moguće vršiti potrebne analize, predlagati i donositi odgovarajuće politike, strategije i mjere, sa ciljem da se u konačnici efikasnije upravlja obavezama i utiče na smanjenje duga u Kantonu Sarajevo. Objedinjenost podataka je od posebne koristi za praćenje i dijagnostiku problematike kašnjenja u ispunjavanju obaveza po različitim osnovama, te služi kao okidač za blagovremeno djelovanje i minimiziranje štetnih posljedica po budžet Kantona Sarajevo.

U skladu sa članom 13. stav (3) ovog zakona mogu se zahtijevati sintetički izvještaji, analize i informacije sačinjene na osnovu podataka iz Registra u svrhu statističke ili naučno-istraživačke obrade, preduzimanjem mjera na provedbi ovog zakona, te izvršavanja nadležnosti zakonodavne, izvršne ili sudske vlasti.

A M A N D M A N II

U članu 13.prijedloga Zakona pod nazivom (Ustupanje podataka) izvršiti izmjene teksta u alineji koja glasi

(2) 'Ministarstvo nije ovlašteno distribuirati ili objavljivati podatke u njihovom izvornom obliku, niti ustupati bazu podataka bilo kojem fizičkom ili pravnom licu' u novi tekst

(2) Ministarstvo je ovlašteno distribuirati ili objavljivati podatke u njihovom izvornom obliku i ustupati bazu podataka bilo kojem fizičkom ili pravnom licu na osnovu uspostavljenog zahtjeva

Obrazloženje:

Radi transparentnosti i funkcionalnosti prijedloga Zakona kao i nadležnosti Skupštine Kantona Sarajevo definisanih u Ustavu Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17) Član 18. Nadležnosti Skupštine Skupština Kantona: alineja b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona; d) utvrđuje politiku i donosi programe razvoja Kantona važno je izvršiti izmjene obog člana.

Takođe predloženi tekst prijedloga Zakona u ovom članu je grubo kršenje Zakona o slobodi pristupa informacijama FBiH i člana 1 člana 20.

Stav predlagača:

Amandman se ne prihvata.

O b r a z l o ž e n j e



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-000, Fax: + 387 (0) 33 562-076

Web: <http://vlada.ks.gov.ba>, E-mail: vlada@vlada.ks.gov.ba

Razlog za donošenje ovog zakona je da se na nivou Kantona Sarajevo uspostavi jedinstvena baza podataka o svim obavezama kantonalnih ministarstava, kantonalnih uprava i kantonalnih upravnih organizacija, stručnih i drugih službi organa zakonodavne i izvršne vlasti, i drugih budžetskih korisnika Kantona Sarajevo, vanbudžetskih fondova, jedinica lokalne samouprave, javnih ustanova i javnih preduzeća čiji je osnivač Kanton Sarajevo, javnih preduzeća i javnih ustanova čiji je osnivač jedinica lokalne samouprave u Kantonu Sarajevo, te pravnih lica u kojim Kanton Sarajevo i/ili jedinica lokalne samouprave u Kantonu Sarajevo učestvuju sa više od 50% ukupnog kapitala (npr. obaveze po sudskim odlukama, obaveze prema vanbudžetskim fondovima, dobavljačima, i sl.).

Jedinstvena evidencija takvih podataka je podloga temeljem koje bi bilo moguće vršiti potrebne analize, predlagati i donositi odgovarajuće politike, strategije i mjere, sa ciljem da se u konačnici efikasnije upravlja obavezama i utiče na smanjenje duga u Kantonu Sarajevo. Objedinjenost podataka je od posebne koristi za praćenje i dijagnostiku problematike kašnjenja u ispunjavanju obaveza po različitim osnovama, te služi kao okidač za blagovremeno djelovanje i minimiziranje štetnih posljedica po budžet Kantona Sarajevo.

U skladu sa članom 13. stav (3) ovog zakona mogu se zahtijevati sintetički izvještaji, analize i informacije sačinjene na osnovu podataka iz Registra u svrhu statističke ili naučno-istraživačke obrade, preduzimanjem mjera na provedbi ovog zakona, te izvršavanja nadležnosti zakonodavne, izvršne ili sudske vlasti.

A M A N D M A N III

U članu 1. stav (3) prijedloga Zakona, kojim su definisani obveznici unosa podataka, brisati riječi: "jedinice lokalne samouprave", kao i "javna preduzeća čiji je osnivač jedinica lokalne samouprave u Kantonu Sarajevo", "pravna lica u kojima jedinice lokalne samouprave u Kantonu Sarajevo učestvuju sa više od 50% ukupnog kapitala" i "pravobranilaštva jedinica lokalne samouprave"

Obrazloženje :

Prijedlog Zakona u ovom članu je u pravnoj koleziji. Javna preduzeća čiji je osnivač Grad Sarajevo kao jedinica lokalne samouprave osnovane su u skladu sa Zakonom o javnim preduzećima u Federaciji Bosne i Hercegovine ("Službene novine Federacije Bosne i Hercegovine" broj: 8/05, 81108, 22/09 i 109/12) i Zakonom o privrednim društvima ("Službene novine Federacije Bosne i Hercegovine" broj: 81/15), i u svom radu u potpunosti primjenjuju odredbe navedenih zakona. Osnivanje i rad javnih preduzeća je u isključivoj nadležnosti Federacije Bosne i Hercegovine te je iz tog razloga potrebno izvršiti izuzeće ovih preduzeća od primjene Zakona o Registru finansijskih obaveza u Kanton Sarajevo. Članom 5. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj: 49/06 i 51/09)) propisano je da je Grad jedinica lokalne samouprave koja predstavlja urbanu, infrastrukturnu cjelinu povezanu svakodnevnim potrebama stanovništva. Shodno odredbama člana 8. istog zakona jedinica lokalne samouprave ima vlastite nadležnosti ustanovljene ustavom i zakonom.

Stav predlagača:

Amandman se ne prihvata.

O b r a z l o ž e n j e

Stav predlagača je da se predloženim zakonom ni u kojem smislu ne dira u pravo jedinica lokalne samouprave da se bave svim pitanjima od lokalnog značaja koja nisu isključena iz njihove nadležnosti.



Svrha Registra je prvenstveno uspostavljanje centralizovane baze podataka o finansijskim obavezama svih obveznika kako bi se mogao konstatovati stvarni dug u Kantonu Sarajevo. Uspostavljanje takve evidencije ne zadire, kako u izjašnjenju Grada Sarajeva citirane vlastite nadležnosti jedinica lokalne samouprave: donošenje budžeta jedinica lokalne samouprave, donošenje programa i planova razvoja jedinice lokalne samouprave i stvaranje uvjeta za privredni razvoj i zapošljavanje, raspisivanje javnog zajma i odlučivanje o zaduženju jedinica lokalne samouprave, tako ni u druge zagarantovane vlastite nadležnosti jedinica lokalne samouprave. Odredbama člana 12. Ustava Kantona Sarajevo propisano je: „Kanton ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za...“.

Nadalje, nije sporno, ali ni relevantno u kontekstu ovog zakona, da su javna preduzeća dužna da posluju u skladu sa Zakonom o javnim preduzećima u Federaciji Bosne i Hercegovine i Zakonom o privrednim društvima.

P R E M I J E R

Nihad Uk

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Skupština Kantona Sarajevo,



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

4. Sekretar Skupštine Kantona Sarajevo,
5. Premijer Kantona Sarajevo,
6. Ministarstvo finansija Kantona Sarajevo,
7. Evidencija,
8. A r h i v a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba